

## ملخصات

## ملخص المجامع و أبطال الإيمان

ملخص بسيط لفترة البدع و الهرطقات بعد عصر الاستشهاد ... و إزاي أبطال الإيمان في كنيستنا الأرثوذكسية قدروا يحافظوا على الإيمان المستقيم



المحتويات



أبطال الإيمان هم جدودنا اللي موجودين في مجمع القديس لدورهم العظيم في الحفاظ على الإيمان تعالوا نعرف باختصار مين أهم أبطال الإيمان و إيه التحديات اللي واجهتها الكنيسة في فترة البدع و الهرطقات

## كلمة



كلمة عن تاريخ الكنيسة من مارمرقس لمجمع خلقيدونية

## ملخص



ملخص لأهم الشخصيات الشخصيات اللي جات في الفترة دي

## دروس



إيه اللي نقدر نتعلمه من الفترة دي في تاريخ الكنيسة



الملخص

## كلمة

كلمة عن ملخص تاريخ الكنيسة في عصر البدع و الهرطقات من نهضة العذراء 2019 للدكتور كاميل متياس



0:00 / 29:54



## ملخص

### القديس مارمرقس الرسول

61م ل 68م 📅

الإسكندرية - مصر 📍

بطرك #1 لكنيسة مصر 🏛️

أسس الكنيسة 💡

بشر إنيانوس الإسكافي ... اللي أصبح البطرک رقم 2 💡

[عن القديس مارمرقس](#) 🔗

### القديس بطرس خاتم الشهداء

302م ل 311م 📅

الإسكندرية - مصر 📍

بطرك #17 لكنيسة مصر 🏛️

وقت دقلديانوس و الاضطهاد على المسيحية و الشهداء (زي مارجرس) 💡

💡 صلّى قبل ما يستشهد: يا رب خلّيني أكون آخر واحد في عصر الاستشهاد

ده

💡 هو ده اللي حصل معاه معجزة السيدة اللي عقّدت ابنها بدمها لما السفينة غرقت

💡 بعدها انتهى عصر الاضطهاد ... و بدأ عصر الهرطقات

## أريوس

📍 الإسكندرية - مصر

📍 أول مهرطق كبير

💡 كان فيه كاهن اسمه أريوس ... فكّر في السيد المسيح بطريقة غلط

💡 احنا بنقول: واحد مع الآب في الجوهر (أوموسيوس) ... زي ما ربنا يسوع قال: أنا و الآب واحد

💡 أريوس قال: لأ ... يسوع (أوموسيوس) يعني مشابه مش مساوي ... يعني أقل منه ... حرف واحد لكن الفارق قاتل

## البابا أرشيلوس

📅 311 م ل 312 م

📍 الإسكندرية - مصر

📍 بطرك #18 لكنيسة مصر

💡 ماطولش كتير (كانت مرحلة انتقالية)

## البابا ألكسندروس

312م ل 328م 📅

الإسكندرية - مصر 📍

بطرك #19 لكنيسة مصر 🏛️

💡 ساعتها (وقت الملك قسطنطين) كانت بدعة أريوس انتشرت ... فاجتمع 318 من أساقفة من حول العالم في مجمع نيقية

💡 البابا ألكسندروس أخذ 20 أسقف من مصر ... و تلميذه أثناسيوس

💡 المجمع حرم أريوس و بدعته ... و طلع بقانون الإيمان (لحد قبل: نعم نؤمن بالروح القدس) ... اللي كتبوا القانون ده 3, منهم 2 من مصر: البابا ألكسندروس و القديس أثناسيوس

🔗 [عن مجمع نيقية](#)

## القديس أثناسيوس الرسولي

328م ل 372م 📅

الإسكندرية - مصر 📍

بطرك #20 لكنيسة مصر 🏛️

💡 وقت نياحة الباب ألكسندروس, كان أثناسيوس مشهور ساعتها جداً في المجتمع المسيحي

💡 بسبب مجمع نيقية, حلت ضيقات كثيرة جداً و عذابات كثير على أثناسيوس ... سنين كثيرة جداً (36 سنة) و حروب كثيرة لأن أريوس كان لسة موجود و يهيج الناس و الامبراطور ضد القديس أثناسيوس بكل الطرق

💡 الناس قالت: العالم كله ضدك يا أثناسيوس ... قال لهم: و أنا - بالمسيح - ضد العالم ... يعني أنا ماشي على الإيمان الصحيح مهما حصل

## عن القديس أناسيوس

### البابا بطرس الثاني

373م ل 379م

الإسكندرية - مصر

بطرك #21 لكنيسة مصر

قعد 5 سنين و 9 شهور بس ... برضه في ضيقات و مشاكل بسبب أريوس

### البابا تيموثاوس

379م ل 385م

الإسكندرية - مصر

بطرك #22 لكنيسة مصر

فترة مرتاحة نسبياً خصوصاً بعد مجمع القسطنطينية

اهتم ببناء الكنائس

### مقدونيوس

القسطنطينية

ثاني مهرطق كبير

بدعته: أنكر لاهوت الروح القدس

💡 **اتعمل مجمع القسطنطينية ... و كملوا قانون الإيمان (من أول: نعم نؤمن بالروح القدس)**

🔗 **عن مجمع القسطنطينية**

## البابا ثاوفيلس

📅 385م ل 412م

📍 الإسكندرية - مصر

📍 بطرك #23 لكنيسة مصر

💡 **لما كان هو و أخته أطفال (أيام القديس أناسيوس)، توفى والدهم و والدتهم ... و ربّتهم مرّبة من الحبشة ... لما لقاها القديس أناسيوس استغرب شكل المرّبة السمرّاء مع الأطفال ... سألها بعد القداس: مين دول؟ قالت له ... قال لها: سيبيهم لي، أنا هاربيهم**

💡 **كبر ثاوفيلس و بقى شماس ثم قس ثم مدير مدرسة الإسكندرية اللاهوتية**

💡 **أخته تزوّجت و خلّفت القديس كيرلس عامود الدين**

💡 **وقتها كان الامبراطور هو ثيودوسيوس الكبير ... مسيحي و عصره كان عصر تعمير كبير**

## نسطور

📍 القسطنطينية

📍 تالت مهرطق كبير

💡 **بدعة نسطور: ماينفّش الإله تجوز عليه الآلام ... و بالتالي فيه انفصال بين لاهوت السيد المسيح و ناسوته ... و اللاهوت انفصل عن الناسوت وقت الآلام و الصليب**

💡 طبعاً ده معناه خطير جداً لأن ببساطة معناه إن الصليب تمثيلية مش فداء ولا حاجة

💡 تم الرد عليه و حرمة في مجمع أفسس

🔗 عن مجمع أفسس

## القديس كيرلس عامود الدين

📅 412 م ل 444 م

📍 الإسكندرية - مصر

🏠 بطرك #24 لكنيسة مصر

💡 وقتها ظهر نسطور

💡 عملوا مجمع أفسس ... القديس كيرلس قال إن طبيعة السيد المسيح طبيعة واحدة: لاهوت متحد بالناسوت .. بغير اختلاط ولا امتزاج ولا تغيير

💡 و شبّها لهم: قال: زي اتحاد الحديد بالنار .. لو ضربت: الضربة في الحديد ... لكن النار لم تترك الحديد ... و ربنا يسوع لاهوته لم يفارق ناسوته أبداً

💡 و العذرا ولدت الله الظاهر في الجسد (القديس المولود منك يُدعى ابن الله) ... و لقبها (ثيئوتوكوس) يعني والدة الإله

💡 وضعوا مقدمة قانون الإيمان (نعظّمك يا أم النور الحقيقي)

🔗 عن القديس كيرلس

## أوطاخي

📍 القسطنطينية

🏠 رابع مهرطق كبير

💡 طلع واحد رئيس دير ببدعة عكس بدعة نسطور: أنكر ناسوت السيد المسيح .. قال ده المسيح جه في بطن العذرا زي الخيال ... صورة للناسوت بس مش ناسوت حقيقي

💡 عملوا مجمع استثنافي لمجمع أفسس

💡 حاول يتراجع عن كلامه و قال خلاص أنا تراجععت عن أفكاري

💡 كان كبير في السن (85 سنة) ... فسامحوه

## لاون

📍 روما

📍 خامس مهرطق كبير

💡 بطرك روما

💡 قال: لا، كلام أوطاخي مش مضبوط

💡 لكن طلع في بدعة تانية: بدعة نسطور تاني

💡 و كتب مجموعة قوانين عُرفت ب(طومس لاون) .. و اتقسمت الكنيسة بعد مجمع خلقيدونية

🔗 [عن مجمع خلقيدونية](#)

## القديس ديوسقوروس

📅 444م ل 454م

📍 الإسكندرية - مصر

📍 بطرك #25 لكنيسة مصر

💡 تلميذ البابا كيرلس و تلميذه ... و حضر البِدَع اللي فاتت

💡 كان موجود في مجمع أفسس الاستثنائي ... و هو اللي حاجج أوطاخي

💡 للأسف أوطاخي لم يتب فعلاً ... و كان الامبراطور مرقيان ساعتها قال  
نعمل مجمع ثاني و نناقش ثاني (في القسطنطينية)

💡 كان مجمع كبير جداً لكن كانوا خايفين من الإمبراطور ... الإمبراطور ماجاش  
أول يوم

💡 قال: خلاص نعمله في خلقيدونية (قرية من قرى نيقية, قريبة من  
القسطنطينية)

💡 و فعلاً اجتمعوا .. لكن بدل ما يناقشوا بدعة أوطاخي, ناقشوا طومس لاون

💡 طبعا القديس ديوسقورس قاوم الفكر ده ... و المجمع عمل حيلة دنيئة:  
قالوا خلاص ناخذ 5 أيام أجازة و نجتمع ثاني نشوف

💡 لما رجع القديس ديوسقورس للفندق اللي كان فيه, لقي العساكر مانعينه  
من الخروج

💡 عقدوا المجمع من غيره ... و بعثوا له .. و قالوا إن مارزيش يبجي (رغم إنه  
محبوس) ... و قالوا عليه إنه مناز لبدعة أوطاخي ... و أسأوا إليه و عذبوه

💡 في اليوم الخامس من الحبس قالوا له: يا تمضي على طومس لاون يا  
نعذبك ... قال لهم: ماشي هامضي .. لما جابوه له كتب: محروم كل من وقع  
على هذا الطومس

💡 كسروا سنانه و نتفوا دقنه ... فلما جه واحد يزوره, قال له: خد الأسنان و  
الشعر ده لكنيستي الإسكندرية و قل لهم: ده الجهاد من أجل الإيمان

💡 نفوه لجزيرة عند تركيا هو و 4 أساقفة مصريين ... الناس اللي فيها كانوا  
وثنيين أو نسطوريين (النوعين ضايقوه) ... لكن ربنا أعطاه موهبة شفاء  
الأمراض ... فأمن كل من في الجزيرة بالمسيحية الصحيحة

💡 نتيج في الجزيرة دي ... و الكنيسة بتعتبره من المعترفين

💡 طبعا كنيسة الإسكندرية تحملت اضطهادات كثير جداً من الإمبراطور  
للتمسك بالإيمان و رفض طومس لاون

💡 مجمع خلقيدونية كان بداية الانقسام بين الأرثوذكس (الإسكندرية و بعض الكنائس) و الكاثوليك (كنيسة روما)

🔗 عن القديس ديوسقوروس

## القديس ساويرس الأنطاكي

📍 مدينة اسمها سوزوبوليس في بيسيدية (في آسيا الصغرى اللي هي بين تركيا و سوريا دلوقتي)  
 📍 بطرك أنطاكية

💡 كان بتربطه علاقة روحية قوية ببطرك الإسكندرية (الأنبا ديوسقورس)

💡 ساعده وقت مجمع خلقيدونية

💡 و برضه ده خلاه يشوف اضطهاد كبير

💡 و هرب على مصر متخفي ... و حصلت معاه معجزة جميلة تظهر كرامته

🔗 عن القديس ساويرس

دروس

نتعلم إيه؟

الحفاظ على الإيمان حاجة صعبة و مكلفة جداً ... و آباءنا أبطال الإيمان تحمّلوا عذابات كثير  
جداً عشان يوصل لنا الإيمان الصحيح

— يا ريت نعرف إيماننا الصحيح و نتمسك به و بجهد آباءنا القديسين و نحافظ عليه و  
نسلمه من جيل لجيل